



1. Radunanza cumünela dals 1.2.2017 a las 20.00 in sela polivalenta S-chanf

Presidi: Gian Fadri Largiadèr

Actuar: Patrice Mayer

Preschaints: Preschaints sun 41 votantas e votants

Büro electorel: Maura Romero Duschletta e Robert Angelini

Tractandas:

1. Protocol da la radunanza dals 19.12.2016
2. Rait da fibra da vaider, deliberaziun credit fr. 836'000.00
3. Varia

La glista da tractandas vain approveda sainza objecziuns.

Protocol: Il protocol da la radunanza cumünela dals 19.12.2016 approuvo.

1 0.400 Progets regiunels Rait da fibra da vaider, deliberaziun credit fr. 836'000.00

Per quista tractanda sun preschaints: Not Carl (CEE), Walter Bernegger (EE), Mirjam Bruder (Mia Engiadina) ed Alex Etter (Innoveritas).

Zieva üna cuorta introducziun dal president cumünel cun preschantaziun dals giasts preschainta Not Carl cuort la situaziun. Dal puncts da vista digitela es l'Engiadina collieda bainquaunt pü noscha scu'l rest da la Svizra. Per la Mia Engiadina e la CEE es ün grand böt d'amegldrer quist fat, siand cha in nos muond digitel es üna buna colliaziun cun la rait da datas necessaria. In connex culla pretaisa da las vschinaunchas da La Punt fin Scuol invers la Swissgrid, da metter las lingias da forz'electricca da 16kv e 60kw suotteraun, s'ho la pussibiledad da metter in quel s-chev ün büschen per üna rait da fibra da vaider. Grazcha ad üna cunvegna cun la Viafier Retica, chi posseda già üna lingia da fibra da vaider fin tar mincha staziun, ho la vschinauncha da S-chanf la pussibiledad da fer ün attach in quella. Impü sun sül territori da la vschinauncha da S-chanf già per granda part avaint maun büschens vöds, uschè ch'üna rait pudess gnir installada sainza fer grands s-chevs. Il president cumünel declera cha'd es previs d'installer la rait per granda part düraunt l'an 2017 e glivrer tela dal 2018. Il credit bsögnaivel es per la rait da basa. Sch'ün possessur d'üna chesa vuless fer l'attach cun la rait ho el da surpiglier ils cuosts per l'attach davent dal stabilimaint fin tar la rait. Zieva püssas dumandas als giasts decida la radunanza cun granda magiurited e sainza cuntravuschs da deliberer il credit bsögnaivel chi'd es resguardo i'l preventiv 2017.

2 9.999 Varia

Il president infurmescha a la radunanza, cha vain publicho invezza dal protocol da las tschantedas da la suprastanza cumünela be auncha ün riassunt.

Impü renda el attent a la saireda da la Slovenia, chi ho lö in marculti, ils 15.02.2017 illa sela polivalenta da S-chanf, ed invida a tuots da visiter quella.

Our dal ravuogl vain fat la dumanda perche cha la vschinauncha nun ho üngüna decoraziun dal champiunedi mundiel da skis a San Murezzan. Tenor il president es gnieu dumando per materiel ma nun es gnieu furnieu ünguotta. Per futurs evenimaints vain però guardo cha s'ho decoraziuns ma eir davart da la populaziun vain giavüscho que.

Il president serra la radunanza a las 21.00 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

P. Mayer